



Inatsisartuni ilaasortaq Naaja H. Nathanielsen, Inuit Ataqtigiit

C/O Inatsisartut Allattoqarfiat

/Maani

Besvarelse af § 37 spm.nr. 243 i 2013, GL

17-01-2014
Sags nr. 2013-093016
Dok. nr. 1445750

Ulloq 3. december 2013 imatut Naalakkersuisunut apeqquteqarputit:

Postboks 1015
3900 Nuuk
Tlf. (+299) 34 50 00
Fax (+299) 32 50 02
E-mail: govsec@nanoq.gl
www.naalakkersuisut.gl

Suiaqatigisanoortut oqaluffimmi katissinnaanerannut suut ajornaqutaappat?

Tunngavilersuut

Ulloq 19. november KNR-imi nutaarsiassani tusaaneqarsinnaavoq, suiaqatigiit ulloq 1. juulimiit Kalaallit Nunaanni oqaluffimmi katissinnaalissasut. Inatsisitigulli sulinerup sumut killissimanera kinalu aalajangivittussaanersoq nutaarsiassani erseqqissumik oqaatigineqanngilaq.

Maanna ukiut pingasut qaangiupput, Demokraatit Inatsisartunut ilaasortaataata Justus Hansenip siunnersuutaa Inatsisartut isumaqatigiissut akuersissutigimmassuk. Juunimi 2012-imi Folketingip inatsissatut siunnersuut nr. 106, suiaqatigiit katittarnerat pillugu, akuersissutigaa. Kisianni inatsit taanna immikkut ittumik peqqussutitaqartussaanera pissutigalugu toqqaannartumik Kalaallit Nuaannut sunniuteqanngilaq.

Septemberip qaammataani 2012-imi Olga P. Berthelsenilu taamanikkut Ilaquartiinnermut Naalakkersuisuusoq aperigatsinni akivoq, Ilaqutariinnermut Naalakkersuisoqarfiup danskit naalakkersuisui Kalaallit Nunaanni suiaqatigiit oqaluffimmi katissinnaanissaat kissaatigineqartut maluginiaqqullugu. Kisianni taamanikkut danskit naalakkersuisui akissuteqanngillat.

Taamaattumik suliap sumut killinnera aamma qaqugu Folketingimi imaluunniit Inatsisartuni akuersissutigivinneqarnissaa sumut killinnersoq inussiarnersumik ilisimatitsissutigeqqullugu qinnutigisussaavara.

Ilisimatitsissutigisinnaavara, Naalakkersuisut suiaqatigiit katittarnerannut malittarisassat allanngortinneqarnissaanut missingiummut tusarniaaneq tigusimammassuk. Danskit naalakkersuisui ilisimatitsipput, pineqartumi pappiaqqat Naalakkersuisunut Inatsisartut Upernaakkut 2014-imi ataatsimiinnissaannut saqqummiunneqartussanngorlugit nassiunneqarumaartut.

Inatsisartut siunnersuummut qanoq isumaqataatiginerat apeqqutaatillugu, danskit naalackersuisui peqqussummi atuuttumi allanngortinneqartussat pisariaqartut allanngortinnissaat allanngorteqqullugit qinnuigineqarumaarput.

Suliamut ilutigitillu Kalaallit Nunaanni Ilagiit assigiinngitsunik suliaqarput, Kalaallit Nunaanni suaqatigiit oqaluffimmi katissinnaalernissaat sioqqullugu allanngortinneqartariaqartunik.

Kalaallit Nunaanni Ilagiit ilisimatitsipput, biskoppip suaqatigiit katitinneqartarnissaannut atatillugu iliuutsinik aalajangersimasunik malittarisassaliorneq suliarigaa, taakkualu Ilageeqarnermut Naalackersuisumut upernaakkut 2014-imi atorneqartussanngorlugit akuerineqarnissaat naatsorsuutigineqarpoq. Tamatuma saniatigut biskoppip maanna katissimanermut allagartaq suiassuseq apeqqutaatinnagu kikkunnulluunniit atorneqarsinnaasoq.

Inussiarnersumik inuulluaqqusillunga



Aleqa Hammond